

Lampung - Betik-Jahat Pikeran Alkitab - Good-Bad Mind Scriptures

Lampung - Betik Pikeran Alkitab - Good Mind Scriptures

Markus 5:15 Tian ratong jama Isa, raduni ngeliak jelma sai jenoni kekurukan ruh jahat udi, lagi mejong di dudi. Ia radu bekawai, rik pikeranni juga radu waras. Maka tian sunyinni jadi rabai.

Lukas 8:35 Jelma-jelma bareh luah untuk ngeliak api sai tejadi. Tian ratong jama Isa, di disan tian betungga jama jelma sai radu bebas jak sitansitan lagi mejong redik cukutni Isa. Ia radu makai kawai rik pikeranni radu waras. Jelma-jelma seno merabai.

Rasul 17:11 Jelma-jelma di Berea lebih tebukak hatini jak jelma-jelma di Tesalonika. Tian senang hati ngedengiko kabar tentang Isa, unggal rani tian nyelidiki Alkitab untuk nyepok pandai api pengajaran Paulus udi benor.

Rasul 20:19 Jama rendah hati rik jama lamon way mata, nyak beguai untuk Tuhan di tengah-tengah penderitaan sai kualami mani rencana jahat ulun-ulun Yahudi.

Roma 7:25 Nah, injuk rejido keadaanku: nyak mentaati hukum Jehovah jama akal budiku, kidang jama tabiat manusiaku, nyak takluk jama dusa. Hara celakani nyak inji! Sapa sai haga nyelamatko nyak jak badan inji sai ngusung nyak jama kematian? Syukor jama Jehovah! Ia haga nyelamatko nyak liwat Isa Almasih.

Roma 8:6 Kik pikeranmu dikuasai ulih tabiat manusia, maka akibatni kematian. Kidang kik pikeranmu dikuasai ulih Ruh-Ni Jehovah, maka akibatni yakdo hurik rik damai jama Jehovah.

Roma 8:27 Maka Jehovah, sai pandai isi hati manusia, ngerti kehaga Ruh udi; mani Ruh udi ngilu jama Jehovah untuk umat-Ni Jehovah, rik nutuk kehaga-Ni Jehovah.

Roma 11:34 Delom Alkitab tetulis injuk reji, "Sapa sai pandai pikeran Tuhan? Sapa dapok ngeni nasihat jama Ia?

Roma 12:2 Dang nutuk atoran-atoran dunia inji. Tagando Jehovah nyani pribadimu jadi ampai, in keti berubah. Jama injuk reno keti sanggup ngemandai kehaga-Ni Jehovah -- yakdo api sai betik rik sai nyenangko hati-Ni rik sai sempurna.

Roma 12:16 Hurikdo rukun peperda. Dang besikap tinggi hati, kidang sesuaiko dirimu jama ulun sai rendah kedudukanni. Dang nganggap diri

lebih pandai jak sai sebenorni.

Roma 14:5 Wat jelma sai ngerasa suatu rani sai tantu lebih penting jak rani-rani sai bareh, sedangko ulun bareh muneh nganggap bahwa rani-rani udi gegoh gaoh. Tagando masing-masing jelma nantuko pendirianni tenggalan.

Roma 15:6 Jama sehati Puari-puari sunyinni jama-jama dapok memuji Jehovah, Bapa Tuhan ram Isa Almasih.

1 Korentus 1:10 Puari-puari! Atas gelar-Ni Tuhan ram Isa Almasih, nyak ngilu in keti sunyin seja sekata; in dang wat perpecohan di hantara niku. Hagani keti besatu, sehati rik sepiker.

1 Korentus 2:16 Delom Alkitab tetulis, "Sapa sai pandai pikeran-Ni Tuhan? Rik sapa sai dapok ngeni petuah-Ni?" Ramdo sai ngedok pikeran sai gegoh jama Almasih!

2 Korentus 7:7 Hati sekam tehibur lain gaoh mani Titus radu ratong, kidang juga mani ia ngelaporko injuk repa hatini tehibur ulih keti. Ia ngeni pandai jama sekam bahwa keti tiram nihan betungga jama nyak; bahwa keti nyesol atas perbuatanmu tumbai rik tano rila ngebelia nyak. Hal udi nyani nyak lebih riang lagi.

2 Korentus 8:12 Kik keti rila ngeni, maka Jehovah haga nerima pengenianmu ano bedasarko api sai wat jama niku, lain bedasarko api sai mak ngedok jama niku. (1 Kronika 28:9)

2 Korentus 9:2 Nyak pandai keti gering nulung, rik nyak radu ngebanggako keti jama jelma-jelma di Makedonia. Nyak ngucakko jama tian, bahwa radu jak tahun sai radu puari-puari di Akhaya radu siap untuk ngeniko sumbangan. Rik semangatmu radu ngobarko juga semangat lamon jelma jak tian.

2 Korentus 13:11 Akherni, Puari-puari, hagani keti riang, rik berusahado jadi sempurna. Terimado sunyin petuahku. Hagani keti sehati rik hurik rukun. Jehovah Sai Mahakasih rik pendamai udi haga menyertai keti.

Efesus 4:23 Hagani hati rik pikeranmu dibaharui sunyinni.

Filipi 2:2-5 Nah, cubado keti benor-benor nyenangko hatiku jama hal-hal inji: Hurikdo sehati jama kasih sai gegoh, jama pikeran sai gegoh rik tujuan sai gegoh. 3 Dangdo ngelakuko sai hal mani didurong kepentingan diri tenggalan, atau untuk ngepungahko diri. Sebalikni hagani keti masing-masing jama rendah hati nganggap ulun bareh lebih baik jak diri tenggalan. 4 Perhatikodo kepentingan jelma bareh; dang angkah kepentingan diri tenggalan. 5 Hagani keti bejiwa injuk Isa Almasih:

Filipi 4:2 Puari sai bebai Euodia rik Puari sai bebai Sintike! Nyak ngilu nihan in Puari sehati sebagai ulun-ulun sai seiman.

Filipi 4:7 Maka sejahtera jak Jehovah sai mak halokni dapok dimengerti manusia, haga ngejaga hati rik pikeranmu sai radu besatu jama Isa Almasih. (Hizkiel 26:3)

Kolose 3:12 Puari anodo umat-Ni Jehovah. Jehovah mengasihi keti rik milih keti untuk jadi kedau-Ni sai khusus. Udido sebabni keti harus nunjukko rasa kesian, keti harus betik hati, rendah hati, lemo lembut, rik tahan menderita.

2 Tesalonika 2:2 Dang geluk-geluk bingung atau gelisah ulihni wat kabar bahwa radu sampai ranini Tuhan Isa ratong luot. Halokni kabar ano asalni jak sai nubuat, atau jak suatu ajaran; atau halokni juga wat sai cawa bahwa sekam pernah nulis sai injuk reno di delom salah sai surat sekam.

2 Timotius 1:7 Mani Ruh sai Jehovah ngeniko jama ram, lain hak Ruh sai nyani ram jadi rabai. Sebalikni Ruh-Ni Jehovah udi nyani ram jadi kuat, latap jama kasih rik dapok nahan diri.

Titus 2:6 Injuk reno juga, ingokko jelma-jelma ngura in tian jadi bijaksana.

Ibrani 8:10 Kidang tano, injido perjanjian sai haga Kusani jama umat Israel di rani-rani sai haga ratong, ani Tuhan: Nyak haga ngepikko hukum-Ku mik delom pikeran tian, rik nulisni pada hati tian. Nyak haga jadi Jehovah tian, rik tian haga jadi umat-Ku.

1 Petrus 1:13 Ulihni seno, hagani keti siap siaga. Waspadado rik ngeharapdo temon-temon jama berkat sai haga dikeniko jama niku waktu Isa Almasih ratong kanah.

1 Petrus 5:2 in keti ngegembalako kumpulan biri-biri sai diserahko Jehovah jama niku. Gembalakodo tian jama senang hati injuk repa sai dimirakko ulih-Ni Jehovah, rik dangdo jama biak hati. Dang muneh ngelakuko guaimu guna dapok untung, melainko mani keti temon-temon mirak ngelayani.

2 Petrus 3:1 Puari-puariku sai tecinta! Injido suratku sai kerua untuk niku. Di delom kerua surat inji, nyak berusaha ngebangkitko pikeran-pikeran sai murni jama niku.

Yakobus 1:17 Unggal pengenian sai betik rik hadiah sai sempurna ratongni jak surga, dikeniko ulih-Ni Jehovah, Jelma Sai Nyiptako sunyin terang di langit. Iado Jehovah sai mak berubah, rik mak muneh nyebabko kekelaman api pun. (Ayub 23:13)

Wahyu 17:9 Delom hal inji perlu wat hikmat rik pengertian. Pitu ulu udi iado pitu bukit; yakdo bukit-bukit rang bebai udi mejong. Rik pitu ulu udi juga iado pitu raja:

Lampung - Jahat Pikeran Alkitab - Bad Mind Scriptures

Markus 7:21 Mani jak delom, yakdo jak delom hati, timbul pikeran-pikeran jahat sai nyani jelma bebuat hajor, maling, ngebunuh, (Hizkiel 38:10)

Lukas 12:29 Jadi, dang khuater rik bingung tentang api sai haha keti kanik rik inum.

Rasul 12:20 Herodes butong nihan jama jelma-jelma Tirus rik Sidon. Ulihni seno tian jama-jama ratong ngehadap ia. Mula-mula tian ngebujuk Blastus, sai jadi kepala istana Herodes, hingga ia memihak tian. Kak raduni tian mik ngehadap Herodes, raduni ngilu bedamai, mani negeri tian begantung jama kanikan jak negeri Herodes.

Rasul 14:2 Kidang ulun-ulun Yahudi sai mak haha percaya, ngehasut ulun-ulun lain Yahudi, sehingga nyani tian nyuoh jama jelma-jelma sai percaya jama Isa.

Roma 1:28 Ulih sebabni manusia mak ngerasa perlu kenal jama Jehovah, maka Jehovah naganko pikeran tian jadi cadang, sehingga tian ngelakuko hal-hal sai tian mak ngasi lakuko.

Roma 8:6,7 Kik pikeranmu dikuasai ulih tabiat manusia, maka akibatni kematian. Kidang kik pikeranmu dikuasai ulih Ruh-Ni Jehovah, maka akibatni yakdo hurik rik damai jama Jehovah. 7 Jelma sai pikeranni dikuasai ulih tabiat manusia, jelma udi bemusuhan jama Jehovah; mani jelma udi mak patuh jama hukum-Ni Jehovah; rik sangun ia mak dapok patuh jama hukum-Ni Jehovah.

Roma 11:20 Udi, sangun temon. Kidang tian ditokko mani tian mak percaya, sedang Puari diterima mani Puari percaya. Jadi dangdo Puari jadi pungah ulihni; sebalikni Puari harus ngerasa rabai.

2 Korente 10:5 rik ngedobrak benteng-benteng kepungahan sai dibangun untuk nantang pengetahuan tentang Jehovah. Sekam menawan pikeran jelma-jelma rik nyani tian takluk jama Almasih.

2 Korente 11:3 Kidang nyak khuater pikeranmu haha teguda untuk mak setia lagi jama Almasih, gegoh injuk Hawa tumbai juga teguda ulih kelicikan si ulai.

Efesus 2:3 Tumbai ram sunyin gegoh juga jama tian; ram hurik nutuk tabiat manusia ram, rik ngelakuko api sai nyenangko badan rik pikeran ram. Waktu seno ramdo jelma-jelma sai kena butong-Ni Jehovah juga, gegoh injuk jelma-jelma bareh.

Efesus 4:17 Ulihni seno demi gelar-Ni Tuhan, injido sai haga kucawako rik kutegasko: dang lagi hurik injuk jelma-jelma sai mak kenal jama Jehovah, rik mikerko sai mawat-mawat.

Kolose 1:21 Tumbai keti jaoh jak Jehovah. Keti memusuhi-Ni mani kelakuan rik pikeranmu jahat. (Kiasan 21:27; Hizkiel 23:17)

Kolose 2:18 Dang keti naganko diri dirugiko ulih ulun sai icak-icak ngerendahko diri rik sai nyumbah malaikat-malaikat. Jelma udi mepungah jama pikeran-pikeranni sai dunia rik ngerasa bangga atas pengliakanni sai khusus,

1 Tesalonika 5:14 Sekam ngilu juga, Puari-puari, ingokdo betik-betik jelma sai mak haga beguai; tabahko hati jelma sai rabai; tulungdo jelma sai perlu ditulung rik sabardo tehadap sunyin jelma.

2 Tesalonika 2:2 Dang geluk-geluk bingung atau gelisah ulihni wat kabar bahwa radu sampai ranini Tuhan Isa ratong luot. Halokni kabar ano asalni jak sai nubuat, atau jak suatu ajaran; atau halokni juga wat sai cawa bahwa sekam pernah nulis sai injuk reno di delom salah sai surat sekam.

1 Timotius 6:5 rik perselisihan sai mak bela-belani. Pikeran jelma-jelma ano radu buntu rik mak lagi benor. Tian nyangko dapok jadi mebatin jak agama.

2 Timotius 3:8 Injuk repa Yanes rik Yambres ngelawan Musa tumbai, injuk reno juga jelma-jelma udi ngelawan ajaran jak Jehovah. Pikeran tian radu cadang, rik iman tian radu kandas.

Titus 1:15 Sunyin hal iado suci bagi jelma-jelma sai suci. Kidang bagi jelma-jelma sai pikeranni kamak rik sai mak beriman, mak ngedok sai pun sai suci, mani pikeran rik hati tian radu kamak!

Ibrani 12:3 Cuba pikerko injuk repa sengsara-Ni Isa ngehadapi jelma-jelma bedusa sai gigih nihan ngelawan ia! Ulihni seno dangdo lunik hati rik putus asa.

Yakobus 1:7/8 Jelma sai injuk reno mak tetap pikeranni; ia mak dapok ngakuk keputusan api-api delom sunyin hal sai disanini. Ulihni seno, dang juga ia ngeharapko untuk mansa api-api jak Tuhan.